

PEQQUSSUTISSATUT SIUNNERSUUMMUT OQAASEQAATIT

I. Oqaaseqaatit nalinginnaasut.

Namminersornerullutik Oqartussat KGH-p tunisassiornermut- avammullu nioqqutegarnermut ingerlatsivianik tigusinerannut atatillugu tamatumunnga pegatigitillugu Namminersornerullutik Oqartussat kalaallit tunisassiornerannut avammullu nioqqutegarnerannut tamakkiisumut oqartussaassuseq tigussussaavaat, tamatumalu ataani namminersorlutik inuutissarsiortut avammut nioqqutegarnermik ingerlatsisinnaanerat pillugu aalajangersakkanik aalajangersaasinnaanermut oqartussaassuseq ilanngullugu.

Folketingip "Tunisassiornermut kalaallillu tunisassiaanik tunisagarnermut Kalaallit Nunaannut inatsit"-mik 16. marts 1984-imeersumik akuersissutegarneratigut aalajangersarneqarpoq, Kalaallit Nunaanni Namminersornerullutik Oqartussat peqqussusiornikkut kalaallit tunisassiaasa tunisassiarineqarsinnaatitaanerannut avammullu nioqqutigineqarsinnaatitaanerannut maleruagassanik aalajangersaasinnaasoq.

Tamatumunnga pegatigitillugu "Inatsit nr. 277 27. maj 1950-imeersoq Kalaallit Nunaanni inuutissarsiummik ingerlatsinermut tunngasoq" atorunnaarsinneqarpoq.

Inatsimmi taaneqartumi kingullermi pisinnaatitaaneq naa-
pertorlugu Kalaallit Nunaannut ministereqarfiup maanna-
mut avammut nioqquteqarsinnaanermut akuersissutit tun-
niuttarsinnaasimavai.

Siunnersuut matumani pineqartoq "siunnersuut inatsisar-
tut peqqussutissaannut kalaallit tunisassiaasa avammut
nioqqutigineqartarnerat pillugu akuersissuteqartarner-
mut" taamaalilluni anguniagaqarpoq aalisarnermut sulif-
fissuaqarnermullu naalakkersuisoq pisinnaatinneqassasoq
suli nangittumik avammut nioqquteqarsinnaanermut akuer-
sissutinik tunniussisinnaatitaanermut, kalaallit avam-
mut nioqquteqarnermik inuutissarsilutaasa siuarsarniar-
neqarneranut iliuutsinut ilanngullugu.

Tamatuma saniatigut taamatut pisinnaatitsissut sunniu-
teqagataasinnaassaaq kalaallit tunisassiaasa avammut
nioqqutigineqartartut silarsuarmi tunitsivinni tusaa-
maneqarluarnerata pigiinnarneqarnissaanut alliartortin-
neqarnissaanullu, soorluttaaq ajornarunnaassasoq tuni-
sassiat ilaasa avammut nioqqutigineqarnissaasa pinngit-
soortinneqarnissaanut.

II. Siunnersuutip aningaasaqarniarnikkut allaffeqarfik- kullu kingunerisassai.

Avammut nioqquteqarnissamut akuereqqulluni qinnuteqaa-
tit peqqussutip atortuulerfianiit inuutissarsiornermi
pisortaqarfimmi suliarineqartalissapput.

Peqqussutissamut siunnersuut manna aningaasartuutini
nassataqartussaangilaq, aningaasanut inatsimmi qinnu-
tigisat eqqaassanngikkaanni, attuumassuteqartut pisor-
taqarfikkoortumik suliat Kalaallit Nunaannut ministe-
reqarfimmiit tiguneqartussat.

II. Oqaaseqaatit peqqussutissatut siunnersuutip aalajangersagartaannut ataasiakkaanut.

§ 1-imut

Peqqussummi pineqarput sullivinnit tamanit, Kalaallit Nunaanniittunit, avammut tunisassiorneq tamarmi.

§ 2-mut

Aalajangersakkami aalajangerneqarpoq aalisarnermut suliffissuaqarnermullu naalakkersuisup avammut nioqquteqarnissamut akuersissutinik tunisisinnaatitaanera, tamatumunngalu ilanngullugu pinaveersissallugu tunisassiat, kalaallit avammut niuerneramik inuutissarsiuttaata tusaamasaaneranik ajoqusiisinnaasut avammut nioqqutigineqarnissaat, imaluunniit nunani assigiinngitsuni isumaqatigiissut naapertorlugu avammut nioqquteqarnissamut inerteqqutaasunut ilaasut.

§ 3-mut

Avammut nioqquteqarnissamut akuersissutit nalinginnaanerusumik, tunisassiat erseqqinnerusumik taasat piffisami killilikkami, avammut nioqqutigineqarsinnaaneranunat nalunaarutigineqartarumaarput.

Peqqussutittaaq tamatumunnga peqatigitillugu periarfissaqartilerpaa aalisarnermut suliffissuaqarnermullu naalakkersuisoq immikkut ittunik nassiuussinermut akuersissuteqarrsinnaaneranut.

Imm. 2-mut

Avammut nioqquteqarsinnaanermut akuersissutit nalinginnaanerusutigut ukiumut ataatsimut atortussanngorlugit nalunaarutigineqartartussaammata, aalisarnermut suliffissuaqarnermullu naalakkersuisoq akuersissummik utertitsisinnaavoq, paasinarsissagaluarpat akuersissuteqarnermi tunngaviit annertuutigut allannguteqartut, akuersissutip atuuffissaata nalaani.

Soorlu assersuutigalugu taama pisoqarsinnavoq avammut nioqquteqarnissamut akuerisaaneq ingerlanneqarpat ka-laallit tunisassiaasa nalinginnaasumik tusaamasaaneri-sa ajoqutigisinnaasaannik, imaluunniit tunisassiat a-taasiakkaat nunani assigiinngitsuni avammut nioquuti-gineqarnissaannut inerteqqut pineqartillugu.

§ 4-mut

Aalisarnermut suliffissuaqarnermullu naalakkersuisoq avammut nioqquteqarnissamut akuersissutinik erseqqin-nerusunik aalajangersaasartussaavoq tamanullu tusagas-siuisuusartussaalluni, tamatumunngalu ilanngullugu qin-nuteqaatit suliarineqarnerannut periusissat aamma ka-laallit oqartussaasuisa paasissutissanik pissarsiorsin-naanermut periarfissaat eqqarsaatigalugit.

§ 5-imut

Akiliisitsissutissap annertussusissaata nalilerniarne-qarnera naatsorssuutigineqarpoq pinerluttuliornermut inatsisip tunngavissarititai atornegartassut.

§ 6-imut.

Aalajangersakkap periarfissippaa nassiussat imaluunniit nassiussat ilat, matumani aalangersakkami akuerineqan-ngitsut, imaluunniit peqqussut naapertorlugu aalajanger-sakkanut akerliusut, arsaarinnissutigineqarsinnaasut pinerluttuliornermut inatsip arsaarinnittarnermut aa-lajangersagai naapertorlugit.